

№ 43 «Гүлдәурен» балабақшасының АНЫҚТАМА

Тақырыбы: «Отбасындағы және МДҰ 3-4жастағы балалардың қауіпсіздігі»

Өткізілген мерзімі: 2025 жылғы қазан айы

Өткізілген орны: балабақшасы жанындағы консультативтік пункт

Жауапты тұлға: Тәрбиеші

Баланың қауіпсіздігі – ата-ана мен мектепке дейінгі ұйымның ортақ жауапкершілігі. Әсіресе, 3-4 жастағы бүлдіршіндер қауіп-қатерді өз бетінше бағалай алмайды, сондықтан олардың өмірі мен денсаулығын сақтау үшін отбасы мен балабақшада қауіпсіз орта қалыптастыру маңызды міндет болып табылады.

Қазан айында консультативтік пункт аясында ата-аналар мен педагогтерге арналған әңгімелесу, ұсыныстар мен практикалық сабақтар ұйымдастырылды. Бұл жұмыстардың басты мақсаты – отбасындағы тәрбиенің маңызын арттыру, қауіпсіз мінез-құлық дағдыларын қалыптастыру және балаға деген жылы қарым-қатынасты нығайту. Тәрбиеші ата-аналарға үй жағдайында балалар үшін қауіпсіз орта қалыптастырудың қарапайым, бірақ маңызды қағидаларын түсіндірді:

Үйдегі қауіпті заттарды (пышак, ине, дәрі-дәрмек, тұрмыстық химия) балалардың қолы жетпейтін жерге қою; Электр құралдарын қолдануда қауіпсіздік ережелерін сақтау;

Баланы сыртта серуендеткенде жолда жүру ережелерін үйрету;

Үй жануарларымен қарым-қатынаста сақтыққа тәрбиелеу.

Практикалық сабақ барысында тәрбиеші ата-аналарға қауіпсіздік ережелерін балаларға ойын арқылы түсіндіру жолдарын көрсетті.

Мектеп жасына дейінгі баланың қауіпсіздігін қалай тиімді қамтамасыз етуге болады? Бұл бөлімде ата-аналарға баланың күнделікті режимін дұрыс ұйымдастырудың қауіпсіздікпен тікелей байланысты екені түсіндірілді. Мысалы:

Балаға уақытылы тамақ беру – оның денсаулығын нығайтады;

Таза ауадағы серуен – иммунитетті көтереді;

Ұйқы режимін сақтау – жүйке жүйесін тынықтырады.

Сонымен қатар ата-аналарға «қауіпсіз үй» бұрышы туралы ұсыныс берілді: балаға арналған төсеніш, жұмсақ ойыншықтар, қауіпті бұрыштардан алыс ойын алаңы.

Мектеп жасына дейінгі баланың қауіпсіздігіне кім жауап береді? Әңгімелесу барысында тәрбиеші ата-аналарға мына қағиданы жеткізді: «Бала – отбасы мен балабақшаның ортақ аманаты».

Отбасында – ата-ана;

Балабақшада – педагог, тәрбиеші және қызметкерлер;

Қоғамда – әрбір ересек азамат.

Ата-аналарға баланың қауіпсіздігі үшін жауапкершіліктің бірлескен түрде атқарылатыны түсіндірілді. **«Отбасы – тәрбиенің негізі» дөңгелек үстелі** Бұл іс-шарада тәрбиеші ата-аналармен отбасылық құндылықтарды сақтау, бірлескен іс-әрекеттерді дамыту жайлы пікір алмасты.

Баламен жылы сөйлесу, еркелету, сүйіспеншілік таныту – оның психологиялық қауіпсіздігін қамтамасыз етеді; Отбасындағы бірлік пен ынтымақ – балаға үлгі;

Үй шаруасына баланы шамасына қарай қатыстыру – еңбекке баулиды. Тәрбиеші ата-аналарға қарапайым күнделікті жаттығуларды көрсетіп, оларды үйде қайталауға шақырды.

«Қауіпсіз жол» ойыны арқылы жол ережелерін үйрету;

«Қауіпті затты тап» ойыны арқылы тұрмыстағы қауіпті заттарды ажыратуға баулу;

«Сәлем – сөздің анасы» жаттығуы арқылы мәдениетті қарым-қатынасқа тәрбиелеу. Қазан айында өткізілген консультативтік пункт жұмысы ата-аналарға баланың қауіпсіздігін қамтамасыз ету жолдарын үйретіп қана қоймай, отбасындағы тәрбиенің рөлін күшейтуге ықпал етті.

Әдіскер: Саттыкова Айшат

